

+

BOSNA I HERCEGOVINA
MINISTARSTVO SIGURNOST

47

ODLUKA
o načinu i programu testiranja kandidata u procesu odabira policijskih
službenika

Sarajevo, novembar 2004.godine

Na temelju člana 16. Zakona o upravi ("Službeni glasnik BiH", broj: 32 /02) i člana 129. Zakona o policijskim službenicima Bosne i Hercegovine ("Službeni glasnik BiH", broj:27 /04), ministar Ministarstva sigurnosti ,d o n o s i:

ODLUKU
o načinu i programu testiranja kandidata u procesu odabira policijskih službenika

UVOD

Član 1.

Ovom odlukom utvrđuju se način testiranja ,program testiranja, vrste testova , tijela koja vrše testiranje kao i druga pitanja koja su od značaja za provjeru stručne , radne i druge sposobnosti kandidata u procesu odabira za prijem policijskih službenika u policijski organ Bosne i Hercegovine.

Član 2.

Procesu testiranja podliježu svi kandidati koji su prijavljeni na javni oglas /konkurs/ te ispunjavaju opće i posebne uvjete propisani zakonom, podzakonskim aktom i unutarnjim aktom institucije odnosno policijskog organa koja vrši prijem i popunu upražnjenih radnih mjesta.

Određbe ove odluke shodno se primjenjuju i na postupak internog oglašavanja ako zakonom ili drugim propisom nije drugačije određeno.

Član 3.

Testiranje se vrši prema načinu pristupa policijskom organu shodno članu 42 Zakona o policijskim službenicima Bosne i Hercegovine (u daljem tekste :zakon) i to:

I Nivo /stupanj: čin policajac sa IV stepenom školske spreme

II Nivo /stupanj : čin mlađi inspektor sa najmanje VI stepenom školske spreme

Član 4.

Provjera stručne i druge sposobnosti kandidata vrši se u zavisnosti od nivoa pristupa u policijski organ u skladu sa članom 51. zakona.

Test općeg znanja obuhvaća četiri oblasti:

- interpretacija
- gramatika
- posebni pisani test
- esej

Test općeg znanja biti će u skladu sa minimalnim stepenom obrazovanja potrebnim za nivo koji kandidat pristupa.

Član 5.

Metod, način i sistem bodovanja testiranja kandidata kao i provjera fizičke sposobnosti utvrđuje se aktom rukovodioca policijskog organa.

Član 6.

Provjera zdravstvene radne sposobnosti vrši se u nadležnim zdravstvenim /specijaliziranim/ ustanovama putem psihotesta a po potrebi drugim vidom provjere davanjem ocjene i nalaza o zdravstvenom stanju kandidata od nadležne specijalizirane ustanove ili zdravstvene komisije nadležna za utvrđivanje zdravstvene sposobnosti za prijem u policijsku službu.

Rukovodilac institucije odnosno policijskog organa odredit će posebnom odlukom zdravstvenu ustanovu odnosno zdravstvenu komisiju sa kojom će zaključiti ugovor o pružanju usluga navedenih u prethodnom stavu.

Troškovi usluga padaju na teret policijskog organa kao tražioca usluga.

Član 7.

Rukovodilac policijskog organa uz prethodnu suglasnost ministra sigurnosti, sukladno zakonu i ovom odlukom donijet će plan i program aktivnosti procesa testiranja kandidata.

Plan i program iz prethodnog stava donijet će se najkasnije u roku od 30 dana od dana početka testuiranja.

Član 8.

«Eliminacioni prag»

Eliminacioni prag predstavlja onaj broj bodova koji je dovoljan za uspjeh kandidata na testu.

Eliminacioni prag određuje se prema nivu pristupa kako je to određeno u člana 3. ove odluke.

- Za I nivo : u čin policajca- IV stepenom školske spreme eliminacioni prag iznosi 60 % tačnih odgovora odnosno pokazanog znanja na testu općeg znanja uključujući testove fizičke sposobnosti
- Za II nivo : u čin policajca- IV stepenom školske spreme eliminacioni prag 75% tačnih odgovora odnosno pokazanog znanja na testu općeg znanja uključujući testove fizičke sposobnosti

Kandidati koji nisu postigli eliminacioni prag (prolaznost na testu) eliminišu se iz daljeg procesa odabira.

Član 9.

Prilikom rješavanja testa kandidatu nije dozvoljeno korištenje bilo kakvih materijala.

Pitanja se postavljaju na sva tri jezika koja su u službenoj upotrebi u BiH.

Komisija za izradu testova-

Član 10.

Pismeni test izrađuje Stručna komisija koju imenuje ministar sigurnosti BiH. Stručna komisija sastoji se od pet članova i to : jedan član iz ministarstva sigurnosti koji je ujedno i predsjednik komisije imenovan od strane ministra i dva člana iz policijskog organa koje predlaže rukovodilac policijskog organa. Članovi Stručne komisije imenuje se iz reda državnih službenika i policijskih službenika koja su se istakla u radu u državnoj upravi , pravnim ,upravnim i drugim stručnim poslovima ,rukovodnim poslovima i policijsko-operativnim poslovima iz nadležnost institucija BiH odnosno organa za sprovođenje zakona .

Na osnovu tako sačinjenih pitanja kadrovski odsjek Ministarstva sigurnosti sačinjava i redovno ažurira bazu podaka koji će omogućiti elektronsko generisanje testova ,po metodi slučajnog odabira.

Aktom o imenovanju komisije iz stava 1. ovog člana određuje se i visina naknade koja će se dodijeliti članovima Stručne komisije.

Član 11.

Stručna komisija utvrđuje sadržaj pisanog testa najranije 24 sata prije započinjanja testiranja, koji se u zatvorenim zapečaćenim kovertama dostavljaju nadležnim komisijama za izbor dva sata pred početak testiranja.

Nakon završenog testiranja nadležna Komisija za izbor policijskih službenika ustanovljena odredbama člana 48.Zakona pristupa ocjenjivanju testova i rezultata objavljuje na oglasnoj tabli nadležnog policijskog organa ,te obavještava kandidate o rezultatima koje su postigli.

Član 12

Vrijeme rada testa je vremenski ograničeno i to:

- test općeg znanja traje dva sata sa pauzama čije trajanje određuje tijelo koje sprovodi testiranje.

Ocjenjivanje stručnog testa

Član 13.

Ocjenjivanje kandidata sprovodi komisija za izbor na način kako je propisano zakonom ovom odlukom i aktom rukovodioca policijskog organa .

Završne odredbe

Član 14.

Ovaj odluka stupa na snagu danom donošenja.

Broj: 09-02-715/04
Sarajevo: 08.12.2004.

